



筆為文有三代風蓋其光明碩大之學尊主庇民之道英華發
外而經奇典雅得於天韻之自然殆非語言文字學所能到也
崇陽本公遺民也後之君子欲誦其詩讀其書將於是乎取而
無傳焉可予森卿初至邑會舊尹三山陳侯樸授一編書乃公
遺文欲刊之縣齋而未果屬使成之讀其歌詩有古樂府風氣
律句得唐人體若聲賦之作又其傑然雄偉者因揭以冠編首
或者以小英歌等不類公作然其詞豔而不流政自不害為宋
廣平梅花賦耳語錄舊傳有三卷今采摭傳記僅為一卷附焉
遺事所載未備輒以所聞增廣又於石刻中增收詩八篇好事
者有為公年譜亦加刪次別為一卷尚論其世者互有取爾舊
本得之通城楊君津家凡十卷今為十二卷其會粹訂證實屬
之尉曹孫君惟寅而使學生存中參焉外有韓魏公所作神道
碑內翰王公送公宰崇陽序李巽巖祠堂記項平菴北峯亭記
此其文皆知公之深者爰並錄之覽者得詳焉

市唯先生文集目錄

第一卷

賦

聲賦

鯢鱖魚賦


放盆池魚賦

第二卷

古詩

悼蜀四十韻

勸學篇
示弟說



愍農

緝書齋

陽春曲

勸酒惜別

解嘲篇

師鳳謠

驚棲曲

贈劉吉

送韓史君赴越州十一韻

田別博州推官楊丹

淮西叙別

淮西有答

寄晁同年

寄程說傳道人

與進士宋嚴話別

贈聶堯

訓昭知

送張又三人赴舉

蕭蘭篇

東門行

白駒謠

別高隨

憫旱

結交篇

祛惑篇

酣飲

二月二日游寶歷寺馬上作

書園吏申花開傍子

益益祠

筵上贈小英

第三卷

律詩

登崇陽縣北峰亭

登崇陽縣美亭

縣丞種夕

登黃鶴樓

新秦遣懷

登麟州城樓

郡齋種夕

鄴中田別平仲

至道乙未蜀中送人東歸

再任蜀川感懷

蜀中尚陳恕左丞

寄傅逸人

每憶家園樂寄傅逸人

送張及之任穀城

送趙寺丞罷秩游青城山

金陵郡齋述懷

郡齋書情寄仙游張及

淮陽書懷寄朝中親舊

游趙氏西園

上楊大諫

寄田錫舍人

寄潭州劉郎中

寄栢閣宗涓上人

寄郝太仲

送別蘇寺丞

送別祝隱士

送馬道人歸天台

送人北游

歸越東舊隱留別秦中知己

贈祝生隱者

贈孫曹二生

郊居會傳逸人

再會傳逸人

貽傳逸人

第四卷

律詩

郊居寄朝中知己

懷張白逸人

訪人不遇

和人惜春

酬宗人殿院見示詩集

依韻答人九華山園

和人登朗州江亭

答人惠四明山蕉葉扇

旅懷

洛中寓居

公暇偶作

舟行感懷

舟次辰陽

遊桃源觀

舟中晚望桃源山

幽居

旅懷

吳宮石

旅中感懷

退居近墅

歸隱嵩陽

本農

喜雨

種霖

庭竹

朝日蓮

弱柳

曲湖種柳

新移蓼花

第五卷

律詩

秋日登芙蓉亭

縣空感懷二首

寄高主簿

同韋主簿祈雨

新市驛別郭同年

早發鄂渚

晚泊長臺驛

新秦送人東歸

相州官舍

赴戍荆湖途中作

杭州一百五日水心亭留題

夫差廟

過華山

途中

驪山感事

再任益州回留題劍門石壁

洛中

舟行

峽路阻風

過武陵溪二首

桃源觀

夜坐

弔屈原

苦熱

雨夜二首

諭意

方竹二首

方竹杖寄蘇內翰

柳枝詞

和人牡丹

寄傅逸人

闕下寄傅逸人

秋日寄友人

送別王秘丞

送別李司直

送魏道士

答劉道人

暮春憶友人

遺吳勳友人

謝雲居山人州鞋

請人画嵩山圖

鷺鷥

聞鷓鴣

第六卷

雜著

唐何對楚王疏

擬富民侯傳贊

釋谷贊

唐衢贊

異獸圖贊

木伯傳

蘇公堰銘

張氏新小橋銘

三不欺箴

惧箴

禘箴

謁秋梁公廟文

罵青蠅文

第七卷

書

上宰相書

寄張太玄書

答馮華進士書

與蘇貞外書

大名府請首薦張軍書

寄馮華李鏐書

回路送人卷書

答王觀察書

答汝州王大監書

答楊內翰書

寄張及寺丞書

與洪州安撫王維端郎中書

與大諫陳情書

謝焦文學書

荅友生問文書

第八卷

記

麟州通判廳記

陝府回鑿寺記

益州州重修公署記

重修轉運司公署記

春日宴李氏林亭記

序

送趙况進士謁李負外序

送田錫韓丕之任序

贈丘主別序

許昌詩集序

送進士張及赴奉序

碑銘

大宋贈左監門衛將軍上公神道碑銘

第九卷

表

通判相州求養親表

荆湖轉運蒙

恩獎諭謝表

奏鄭元祐事蒙 恩獎諭謝表

讓起復表 謝起復表

賀西川賊平表 杭州蒙 恩獎諭謝表

謝恤刑表 賀聖駕幸潭州還京表

謝除吏部侍郎表 益州謝降 詔獎諭表

益州謝傳旨獎諭表 昇州到任謝表

第十卷

表

賀東封禮畢表 謝賜御書封禪銘贊記副本表

甘露賀表 謝加階封表

昇州謝傳宣撫問表 謝加工部尚書再任表

昇州又謝傳宣撫問表 進文字表

謝除禮部尚書 東封恩 賀祀后土禮畢大赦表

謝加階食邑表 謝封贈表

辭赴陳州表 陳州到任謝表

第十一卷

狀

著作佐郎求充幕職狀
奏節元祐事自陳狀

申堂自陳狀
謝賜曆日狀

廣都縣馮某毆母待罪狀

西川回乞持服狀
再任益州謝傳宣撫問狀

昇州謝就差江東安撫使狀

謝傳宣撫問失火及安撫人戶事狀

謝進文字賜詔獎諭狀

昇州謝恩撫問狀
謝賜不祔狀

病瘡乞任使狀
陳州謝傳宣撫問狀

第十二卷

語錄

雜傳附錄

乖崖先生文集卷第一

賦

○聲賦 并序 載文鑑

聲賦之作，豈拘模限韻，春雷槌出之為事也。蓋取諸聲成之文，王化之本，苟有所補，不愧空言爾。賦曰：

罔象迷宮，大人忽生。混沌初竅，呀然震驚。二儀吐形，萬靈吐英。天機動制，軌而為聲。故形有美惡焉，聲有小大焉。伊物類之動，作俟人事而克全。至于大雷隱空，萬竅風吼，不為之隆。品物磨



臬羽足動發。不為之末。未若人聲與天通。功與物長。惟口吻之
啟義於厥躬。道機之張騰。凌鴻濛。其所聞者。羲皇唐虞。繼踵而
至。宇宙隘其神。造化侔其智。在聲之偉也。得不迴天而動地。觀
其得一之發。清、冷、涼、寒、洗瀉。萬類听之。如憎而醒。仁信之
發。溶、弄、呼道振德。萬類听之。如白破黑。白禮義相迭而起。鳴
孝響悌。駭心清耳。萬類听之。如愁得喜。廣成五老聞而啓齒。曰
是何帝皇之聲也。如此。九道交訛。華夷和歌。蠢動鼻息。歡吟寔
多。其在物也。昭、融、萬緣相同。萬籟管空。答天之功。其在人

也。萬心氣平。萬口宣騰。雲門六英。峇君之聲。故知五音八聲、
之枝也。歟。金石絲竹。聲之器歟。若本不正而聲不清。何嘗動天
地。泣鬼神而有諸。三王迭生。異業同聲。唱古寡應。呼今得精。儀
禮以之繁會。時風為之勁清。五作禮者。有周旋之矩。制樂者。有
大武之名。故聖人之音。鏗如鏘金。四人之治。潺若流水。加以商
辛夏癸。行無轍軌。情慙沸空。淫哇盈耳。民不知告。政聲遂毀。幽
厲既作。心胡可度。唱僻者輕脫。和偽者交錯。鼓鉦之嚮。日馳禮
義之風。日薄王道。民政潰然。投壑攻乎。亡國之音。聚為終身之

樂秦恠一聲。天搖地坑。烘赫火裂。荒茫海傾。阿房輦材。枿臬山
迴。紫塞築壘。剗轟震雷。鉗聖愚儒。四海睽孤。剗剗亡命。痛腦連
脛。于是民夫其業。怨口喋喋。野薄其農。荆榛颺風。刑失其短。民
哀無所。兵甲填委。死為怨鬼。故怨之為氣也。散為蠶塵。積為屯
雲。閉鬱六合。陽靈不燠。怨之為聲也。裂風相倚。怒濤兼起。鬼哭
於郊。神號於市。川谷為之閉擊。山巒以之崩此。陳吳一呼而宗
社瓦毀。天窮地終。醜聲不已。迫于漢唐。惟高與光。太宗續堯。開
元嗣皇。皆智冠絕古。氣凌只蒼。倚天憑怒。即動盪於八荒。按劍

大呼。即交映於中方。借力者黎獻。助聲者賢良。亦不能廣仁義
於通奏。使道德之擊揚。掩商秦之餘韻。系唐虞之聲芳者也。未
若我后。凝神定思。誠求理致。與聖作則。為難於易。惟禮是
崇。惟仁是嗜。叩乎杳冥。清淨以聞。聽古謬惑。皇心不平。於以忠
良是旌。息嗟吁之聲。不肖是黜。息濫謬之聲。均物惻隱。息哀怨
之聲。厚施薄歛。息流亡之聲。四人是別。息澆競之聲。狴犴是理。
息冤枉之聲。道德是守。息兵革之聲。人勞是恤。息彫斲之聲。小
人是遠。息邪佞之聲。正音是奏。息愆愆之聲。奇武壯哉。堯嗟舜

驚。致。章。漢。之。調。下。覺。唐。堯。之。頌。輕。浩。蕩。無。可。而。名。謂。聲。之。襲。也。揚。溢。昭。灼。上。賢。下。愚。既。權。且。譖。鳥。獸。踴。蟲。虺。躍。信。千。載。之。一。時。與。有。生。而。同。樂。余。欲。引。聲。而。作。未。知。何。若。

放盆池魚賦 并序

皇宋宥天下十一年予自洛徂陝。牧以近戚得侯不喜儒墨。遂憇駕於易兵部之館。連戶之間有盆池焉。綠萍小鮮雜其中。以節兒童之樂。即樂矣。大遠夫物之性也。遂命放之。感而成賦。

粵若金張貴孫。風臺露軒。珠翠爛目。煙華斷魂。未盡瓌異。慘然綺思。遂命破苔紋。陷陶器上。分紅杏之陰。下決蓮塘之水。於以責女胥誠。童僕繫蛛絲之孳。網針織之魚。亦繼致浣適。我意宅與綠萍。恩溜香餌。日夕予戲汝戲。想其魚子寧忘意歟。稟天仁予化質飲靈泉。予孕軀豈不有晞狀。運海之類豈不有慕力。噴雷之徒既履漸於鱗鱗。安蹶蝶於污渚。今者不樂動乃觸乎四隅。客有詞軫窮轍。詩歌行葦。將問童子之欲用。汲生之理。無毀爾缶。無覆爾水。江湖可待。與彼游泳之罔罾。俎不

離解彼囚拘之耻去々魚子丁々我私將必避其醜類食無貧
於薰飴比目義而可友文鯨賢而可肩壯禹門之燒尾擬碣石
之擲鰭如此則脫地壑排天池鯨鯢為之戢蠟波神為之驚喜
彼貴尺澤者曾何足知自迤圖遠通溪泛谷一動一息爰長爰
育斜流可畏蠖蛙之聲下多非淺渚那輕收豎之鈎頭更曲得
有悅若前事力乎大流欽王澤之下及職昆蟲之盛遊時奔雲
雨之鄉神其救旱日警螻蟻之制愠莫吞舟無忽我誠無後爾
羞耶勝乎銜珠頽印之儔者也

鯢鯢魚賦

并序

太平甲申歲余知邑罷歸浮江而北有若覆甌者漾於中流移
晷不截舟人曰此噴魚也觸物即怒多為鷗鳥所食遂索書驗
名古謂之鯢鯢魚爾因而賦之亦欲刺世人之褊薄者
鴻濛積氣化生品類順天者自得美名逆天者謂之凶器天亦
不問任性而已鯢鯢微物江漢有諸性本多怒俗號噴魚其或
天晴日暎風微氣和鱗者介者潛泳江波被大君之惠化共委
妾而佗々鯢鯢憤悱迎流獨逝偶物一觸厥怒四起膨欲裂腹

不顧天地浮於水上半日未已物或存觸怒亦復始意謂天昊
曠越不與我遣大江之西流神龍俛默不與我禁水族之勿游
何巨魚之稿首何靈龜之縮頭何稱義於比目何為祥之躍舟
此類可怒者甚衆使我卒歲之沈憂有若世之小人兮才荒性
卑謂道德不可以稱據謂仁義不可以取資咸呼志狂而識昧
獨謂量絕乎天維妬泄憤冥眸自欺觸藩增咎至死莫知尤
恐鯀鯀之遷怒慊此善譬之非空嗚呼造化不能移爾之性萬
類不能與爾之競雖海有鮪亦物之病已為辭曰

鯀鯀褊僻常蘊怒色性不我移仁者爾惜殊不知老鳶伺隙翩
翔鼓翼啄腹為食其怒方息焉非爾賦爾自貽伊戚者也

華嶢先生文集卷第二

古詩

悼蜀四十韻 并序

至道紀號元祀春正月為審官院考績引對 天子曰天獸西
蜀歲荐饒饒任失其人枉政偷剝民興嗟怨構孽肆暴授命帟
旅殄戒克逞矧彼黔首不聊其生官人安民朕意罔怠寬則育
姦猛則殘倍得夫濟者實難其人爾惟方直歷政有績邛夔幽
遐徃理其俗克畏克愛汝其欽哉祇奉厥命秉輅西征夏四月

二十有八日供厥職噫謀術庸陋罔敢怠忽豪猾抑之賦歛乃
息存恤窮困招綏流亡杜厥剝削宣揚皇風間一歲而民弗克
安非郡縣之罪將偏之罪也有聽者孰不知民心上畏王師之
剽掠下畏草孽之強暴乎良家困弊漸復從賊庶賒其死深可
愆也

天子遠九重孤賤者憚權豪而不敢言烏乎雖採詩之官闕然
久矣而訶詠諷刺道不可窅然某敢作悼蜀古風詩四十韻書
于視政之廳有識君子幸勿以狂瞽為非

蜀國富且庶風俗矜浮薄奢僭極珠貝狂佚務娛樂虹橋吐飛
泉烟柳閉朱閣燭影逐星沈歌聲和月落鬪雞破百萬呼盧縱
大噱游女白玉璫騎馬黃金絡酒肆夜不扃花市春漸作未稼
暮雲連紉繡淋氣錯熈々三十年光景倏如昨天道本害盈侈
極禍必作當時布政者罔思救民瘼不能宣淳化風移復儉約
情性非方直多為聲色看泛欲竊虛奢隨性縱貪攫蠶食生靈
飢作威恣暴霄佞罔天子聽所利惟剝削一方忿恨興千里
攘辭躍火氣烘寒空雪彩揮蓮鐔無人能卻敵何暇施擊拚害

物贖貨輩皆為白刃爍瓦礫積臺榭荆棘迷城郭里第鎖苔蕪
遲軒喧燕雀斗粟金帛市東蕩綺羅博悲夫驕奢民不能飽葵
藿朝廷命元戎帥師盪克惡帝旅一以至梟巢一何弱燎毛焰
晶熒破竹鋒熠燿兵騎不可哉殺一人如戲譴悼耄皆麗誅玉
石何所度未能翦強暴爭先謀剽掠良生計空賒死心墮獲四
野構豺狼五畝孰耕鑿出師不以律餘孽何由却鄙夫熾蜂蠆
寡術能籠絡邊陲未肅清胡顏食天爵世方尚奔競誰復振蹇
諤黃屋遠萬里九重高寥廓時稱多英雄才豈無衛霍近聞命

良臣拭目觀奇畧

勸學 示弟說

大化不自言委之在英才玄門非有閉苦學當自開世上百代
名莫遣寒如灰晨鷄固自勉男子胡為哉胸中一片地無使容
纖埃海鷗尚可狎人世何嫌猜勤慎君子職顏閔如瓊瑰剋薄
小人事斯翼真可哀放蕩功不遂滿盈身亦災將心須內疚
福本無媒

愍農

悠々世事稱無窮。千靈萬象生虛空。活人性命由百穀。還須着
意在耕農。自有奸民逃禁律。農夫倍費耕田力。青巾短褐皮膚
乾。不避霜風與毒日。暮即耕子朝即耘。東坻南壠無閑人。春種
生成一百倍。天下三分二分貧。天意昭々。怜下土。英賢比跡生
寰宇。懲奸濟美弭長材。來救黎元暗中苦。我聞懲農之要簡而
平。先銷生食防兼并。更禁貪官與豪吏。懲農之道方始行。

緝書齋

綠流北面桃花中。書齋閑鎖塵濛濛。紗牕桂戶明月空。堦前艸

深鳴細虫。千書閱久陰生蠹。治世之文欲無緒。彫梁語燕不復
歸。葦池皓雀先飛去。我未憇。爲吟青春呼奴。嘯匠連揮斤。一日
整戶庭。二日芟荆榛。雜草甸蕙若。掃逕連松筠。千花萬木似得
意。幽香細韻來相親。衆口藉々道一以如初新。伊余世上耽書
客。古今萬事羅膏臆。運海搏風當振翼。任是青天更高碧。

陽春曲

東風習々吹。連對知道春權移。日馭青紅獸。解露春心凝。冷無
言避春去。大有閑堦白日長。清詞麗句祝春皇。不甯論功

烈惟有年、君道昌。

○勸酒惜別

春日遲、輾碧空。綠楊紅杏描春色。人生年少不再來。莫把青
春枉拋擲。思之可不令人驚。中有萬恨千愁并。今日就花始暢
飲。座中行客酸離情。我欲為君舞長劍。歌苦悲人苦厭我。欲
為君彈瑤琴。淳風死去無回心。不如轉海為飲花。為幄。羸取青
春片時樂。明朝匹馬嘶春風。洛陽花發胭脂紅。車馳馬走狂似
沸。家、帳幙臨晴空。天子盛明君正少。勿恨功名苦不早。富

貴有時來。偷閑強懽笑。莫與離憂賈生老。

解嘲

我本高陽徒。平生意氣凌清虛。詞鋒即日未見試。杜季束手未
窮途。蛟龍豈是池中物。風雨不來狂不得。五龍年少莫相猜。鸞
鳳鷄犬非朋儕。志士抱全節。愚下焉復知。寧作鸞鳳饒。不為鷄
犬肥。君不見淮陰漢將未逢時。市人頗解相輕欺。又不聞宣尼
救、救亂治厄。宋圍陳亦何已。往者尚有然。余生勿多耻。休誇
捷。給饒聲光。莫以柔滑勝剛方。我愛前賢似松柏。肯隨穉州凋

寒霜道在康民致堯禹豈要長徒論可否興來轉脚上青雲何
必羸驢苦相侮

師鳳謠

我聞丹山之鳳非有八翼四足兮又何羽毛之稱奇蓋仁於不
殺義於知時既信厚於動止而淳音其用稀是以衆鳥樂而從
之吾疾夫世之小人兮曾不知仁義之所為故卷耳蹙頸背而
疾走兮吾鳳之師

驚棲曲

天昏：月娟：驚棲之鳥伊啞而翩翩豈非海寒天風惡扶桑
半折枝巢落又非鷓鴣之不仁鄧林何苦難容身吁噉哉鷓
弄翼蓬蒿欲就鸞凰高壘巢安巢待何時平林客低枝低枝苦
賤良可越却厭爭飛嘯鴉鳩星稀夜寒啼轉多恐作枝間折腸
血人生功名難與期聽之永夜生愁思援琴欲理驚棲曲調苦
聲悲不相續

贈劉吉

天地有至松劉生與英氣學必摘其真文能取諸類叫回堯舜

天眚破周孔耳通塞不我知要在歡生意居危不苟全憑難立

忠義

仕江南偽主指斥奸佞曰果信是人國將士也

歸國有賢名

天子聞之喜倒海塞

橫流掀天建高議

治黃河有功議邊將不才廷辨大臣阿諛

冒死雪忠臣

證楊業忠赤為奸臣所陷

謹言

警費侍

重指中貴弄權

四海多壯夫望風毛骨起如今竟陵城權司茶菽

利鶴情終是孤仁性困亦至勞憂衆民咄咄罵貪吏方期與

叫闐此實不可棄如何不自持稍負纖人累酣歌引酒徒亂入

垂楊市任來拔劍舞踏破青苔地群曰吃若竒我心憂爾碎請

料高陽徒何如東山器請斟酒傑人何如留侯志去矣劉豉江

溪心自為計

送韓史君赴任越州

十一韻

聖皇憂越人與之求良牧韓侯簡帝心吏詔荒東服再拜陳苦

詞臣生非碌未得滅匈奴雖榮亦為辱戎醜方欵盟宸恩倦

兵黷難展窮北威遂作東南福况有重慎資足致奸巢覆况有

明恕懷可使夷人伏行歌烟靄空坐嘯江山綠無憂報政遲只

怕徵還速他日遺遠書幸勿忘蘭菊

留別博州推官楊丹

郊亭欲別時，霜葉翻空日。男兒志在乘長風，去便離憂憐顏色。
鎮錫煌煌，對酒尊，醉舞不成空握手。耻唱悠、易水歌，羞折絲
絲，閑外柳。我欲為君操峻節，研清詞，古來賢聖同驅馳。連城白
壁不足道，濟時才畧為籥籬。一以答惠貺，再欲酬心知。從今明
月夜，有遠相遠思。

淮西叙別

天門高兮未我揭，驅馬淮西阻風雪。^高陽狂客夜敲門，清談大笑
傾金尊。一飲史君樓，騰、醉未休。再約娛賓曲，歌舞喧耳目。究

若是子之哲兮，精神多崛奇。穆矣簪纓之後兮，動止饒令儀。繁
花不染君子道，大鵬自有飛鳴時。何須我之彌、不可無言而
辭。

淮西有答

天教明道知經綸，只在尊君兼庇民。鶴板未徵身且賤，輕車素
佩游紅塵。飄、飄、齊與魯，半醉半醒陳。漫楚夜倚西風，拔劍
舞，拔劍舞，擊劍歌，青雲路，進心柰何。

寄晁同年

昔同白日昇穹碧。還同水國司民籍。三年不見頻寄書。兩月相
過忘行役。桃花江上雪霏。黃雀樓中風力微。幽勝逼人寬欲
飛。此時不醉無與歸。人間美事應有主。別馬蹄雷邊塞土。南樓
一望心淒迷。昨夜疎簷滴寒雨。休誇筆力歐真風。勿憶雲山千
萬重。但偶西風一行雁。殺青相問莫辭慵。

寄程說傳送人

綠楊陰映長楸道。桃李初飛紅杏影。小手扶大白。口談天得意
相歡不知老。一逆召入金馬門。三載長纓事邊徼。幾欲含毫寄

別離。悠悠亂思如芳艸。

與進士宋嚴話別

人之相知須知心。通道氣情轉深。凌山跨陸不道遠。躡屩佩
劍來相尋。感君見我開口笑。把辭要我談王道。幾度微言似慚
心。投杯着地推素叫。此事致之無復言。且須舉樂催金船。人生
通塞未可保。莫將閑事縈心田。興盡忽告去。挑燈夜如何。彈琴
起雙舞。拍手聊長歌。我輩本無流俗態。不教離恨上眉多。

贈聶堯

聶堯懷抱何翹然。遊心聖道三十年。智泉湍激橫碧海。文山奇
崛凌青天。神充氣溢眸子好。常談盡是經綸道。早求入用活蒼
黔。莫向塵中虛自老。

訓所知

皇風浩蕩吹天地。天下英髦連鳳起。海鵬一飛一萬里。三尺微
風何足謂。

送張及三人赴舉

才雄揚子雲。古稱蜀川秀。千載遺英聲。三賢繼其後。文章積學

成。孝友亦天授。遠郡得充庭。期將克固陋。

蕭蘭

種蕭芳蘭中。蕭生蘭亦瘁。他日穠風來。蕭蘭一齊敗。自古賢者
心。所憂在民泰。不復夢周公。中夜歎慷慨。

東門行

茫茫六合生萬靈。周公孔子留賢名。伊余志尚未著調。穠風拔
鋤東門行。金龜典酒知是誰。逢君使我臺雙眉。眼前萬事不足
問。要須醉倒高陽池。

白駒謠 別高隨

白駒如龍兮遠而逝紅韉未絆兮天之涯
秋風萬里思鄉時傷離群兮嘶復悲

憫旱

皇天詔龍司下土穀苗乾死天未雨如何不念蒼生苦村落
敲椎旱鼓

結交

古人死恨為交難交心不移誠可歡須知閣水生波瀾壯夫一

欲摧心肝

祛惑

過與夜光不肯要捉得泥丸弄到老曰嗟蜀望無膏懷至今猶作
思歸鳥

酣飲

不敢指天象、中皆有神不敢說人事謬至新邪嗔豈若內酣
飲兀然陶吾真吾真小不見吾真大無倫真苟無所適亦免招
悲辛堪笑古人愚刺輒徒殞身

二月二日游寶曆寺馬上作

春游千萬家，美女顏如花。
三三兩兩，暎花立，飄飄盡似乘烟霞。
我身豈比浮游輩，蜀地重來治凋瘵。
見人非理即傷嗟，見人歡
樂生慈愛。花間歌管媚春陽，
花外行人欲斷腸。更覺花心妬蘭
麝，風來遠郭聞輕香。昔賢孜孜戒驕蕩，
猖狂不是風流樣。但使
家肥存禮讓，歲歲春光好游賞。

書園吏申花開榜子

後園花開紅滿枝，太守倦將紅不知。
看花小吏報花信，太守茫

然心忽悲。頭上炎陰瞥爾過，昨日少年今老大。
見說花間舞蝶狂，讎飛更着游蜂和。

孟

詞

党項婦女卷葷葉吹之名曰孟孟寄情托意近類秦間

胡中不識春時節，門外春迴花未發。
奴家聞道漢宮春，遙望南天拜新月。
拜新月，攢雙眉，別部^胡茄聲，
悲低頭自嘆胡無知。

筵上贈小英

天教博百花，博作小英明。
如花住近桃花坊，北面門遮掩映如
仙家美人，宜稱言不得。
龍腦薰衣香入骨，維揚軟殼如雲英毫。

郡輕紗若蟬翼我疑天上婺女星之精偷入筵中名小英又疑
王母侍兒初失意謫向人間為飲妓不然何得膚如紅玉初
成眼似纓波雙臉橫舞態回風欲飛去歌聲過雲長且清有時
歌罷下香砌幾人魂魄遙相驚人看小英心不足我看小英心
本足為我高歌送一杯我今贈爾新翻曲

乖崖先生文集卷第二

乖崖先生文集卷第三

律詩

登崇陽北峯亭

高樹臨公宅凭軒萬木搖
亂雲橫島嶼鳴雁下汀洲
到此欲沉醉何門銷舊愁
若為陶靖節容易賦歸休

登崇陽縣美亭

萬象盤迴處年來此創亭
喧闐當邑地清絕倚禪扃
砌迴波流碧愴涼洞壑青
人家晴渡口漁釣煖沙汀
岼竹風成韻臯禽曉

曬翎裁花多是藥。頭髻半書經。遠客憑消恨。高僧與勒銘。掃苔
朝復莫。閑日醉還醒。不可窮吟思。將須列画屏。浮屠莫輕賞。美
美獸丁寧。

縣齋秋夕

才薄難勝任。空銷嬾隋情。公堂群吏散。苔地亂蛩聲。隔歲鄉書
絕。新寒酒病生。方今聖明代。不敢話辭榮。

登黃鶴樓

重、軒檻與雲平。一度登臨萬想生。黃鶴信移烟樹老。碧雲魂

亂晚風清。何年紫陌紅塵息。終日空江白浪聲。莫道安邦是萬
致。此身終約到蓬瀛。

新秦遣懷

貂褐久從戎。曰令筆研慵。梳中見白髮。枕上憶孤峯。風動沙昏
晝。寒多雪折松。此心無與問。長韻酒盈鍾。

登麟州城樓

莫問戎遲苦。高欄是夕攀。時清官事少。邊靜戍人閑。雉堞臨寒
水。穹廬倚亂山。皇恩正無外。不擬更移關。

郡丞秋夕

久負嵩雲約，年來半白頭。風驚落葉夕，雨滴戍城秋。調古將誰合，心狂慢自愁。遲迴不能寐，重起凭危樓。

鄴中留別平仲

聞說懷經濟，乘間適隱廬。話言殊不逆，交分合如何。道愧將時背，心非與世疎。凄凄重惜別，蟬噪古槐初。

至道乙未蜀中送人東歸

綠楊陰裡卓旌旃，一曲離歌歎泫然。願我無才狂似鹿，羨君清

節直如絃。錦城寇難初，平日帝里春。和入謁天好，竭忠誠佐真主。莫教奸佞苦妨賢。

再任蜀川感懷

官職迥身髮已衰，傍人應呀退休遲。從來蜀地稱難制，此是君恩豈合違。兵火自由難即問，郡城牢落不勝悲。無煩苦意思，諸葛只可頌條使。衆知李順劉幹王均十年三亂蜀人人思得葛亮整之亮過離亂提一旅之兵平定川陝此非宏才異畧則不濟也方今天子仁聖國富兵強只宣馭遠寬平之語禁暴刑殺之令不半年自整爾

蜀中傷陳恕左丞

英賢去世，同悲管葛才能更比誰。心盡西山離隱後，名喧深
殿受恩時。謀猷不枉稱人傑，精審真堪作吏師。謬說高原向東
哭，路長天遠豈能知。

寄傅送人

鷗鷺憐疎野，朝昏繞戶飛。有誰知此意，獨立對斜暉。落葉堆荒
徑，澄泉照白衣。聖君方急善，應好下魚磯。

每憶家園樂蜀中寄傅送人

每憶家園樂，當年枉用心。翻身期濟物，明代已腰金。守道知無

取，防奸似不任。休今得休去，誰肯羨為霖。每憶家園樂，名賢共

里間，劇談祛疫瘡。

開室中与傅會於韓城終夕談話諸隣病瘡皆云不發

幽夢得鄉書

每發家書

傳必漸長性情懶，隔年音信疎。終嫌累高節，不得薦相如。
直省容使人誘傳意勉之仕進傳以為未余薦已足相污也虛名何濟遂止

送張及之任穀城

不求灼灼，不卑垂垂。自愛先賢力，自為德行舊。多鄉曲譽，文章新

吏。聖皇知辭親，西國春方好。去踏千峯鶴，亦隨若到縣封修。汝

術漢南元牧是良龜

李道知州

送趙寺丞罷秩游青城山

公餘長閉目，只是老心情。聞道尋山去，連忙出戶迎。好峯須到頂，靈跡要知名。迴日從容說，余將少解醒。

金陵郡丞述懷

傍人往往羨清遠，野逸情懷亦自扶。官舍四邊多種竹，潮溝一面近生蘆。病嫌見客低徊甚，老覺臨官氣味麤。不信浮名是身累，有時閒撚白髭鬚。

郡齋書情寄仙游張及

老來慵仍甚，榮名舊日疎。又因經歲病，不答故人書。閉閣僧歸後，看山吏散初。何因問心跡，之子最相於。

淮陽書懷寄朝中親舊

聖恩重疊念龍鍾，新賜淮陽地望崇。纔有筋骸堪策杖，更無情緒可憂公。日思舊隱歸何計，或問前程咲指空。昨日凭高向西望，滿川煙對雨濛濛。

游趙氏西園

蜀中春豔世間殊，比並陳園恐未如。數里花光浮映日，六街塵

淨見香車翻空雅樂催歡處入格新詩上板初方信承平無一事淮陽閒殺老尚書

上揚大諫徽之

東南雲物異端正產賢人才大何高古名雄始入秦文江橫舫楫藝圃刻荆榛民事憂偏切金門老更親天教任孤直帝亦賞清貧功業榮書史銓頭洽縉紳苦聞絳祿綬遠擬訪仙真卻願希顏者避留塞州春

寄田錫舍人

當年心計此心知忽逢人亦自疑枉是憂公生白髮有何長畧謝清時林僧已恠抽身脫朝侶猶嫌到闕遲多喜通規識幽抱路迷無處寄相思

寄潭州劉郎中

師道

官途聲稱舊便蕃朝列皆推此並難受任已過唐刺史結銜猶是漢郎官遙知萬井嗟何暮酷愛諸峯病亦看老大情懷更多感相思重覺疊倚危欄

寄柏閣宗涓上人

周粟風雅變詩匠著禪衣
身世間雲片烟霞共鶴歸
引泉涼月動掃徑落花飛
自信甘時拙終求對掩扉

寄太冲

閑愁休問意休疑
此事閑身合再思
心靜易求長世法
氣狂難與少年時
新編到底將何用
舊好如今更有誰
猶憶公堂秋會否
遠認寒竹夜風吹

送別蘇寺丞

公身多不定何路慰飄離
莫以微言合苦將
幽思悲小程朝醉

少雪屋瘦眠遲
即問逢春約
芳菲折贈誰

送別祝隱士

龍鍾塵滿衣
特扣柴扉暫
慰經年別人驚
千里歸山川秋末
後風雪雁來稀
莫便長休去
明時待發揮

送馬道人歸天台

逢山長欲便辭榮
見說天台益自驚
絕頂要歸終久住
此時無計伴師行
囊携鼎藥身難老
路隔仙橋眼更明
莫笑官途滋未薄
五湖曾有片帆輕

送人北游

慈親別幾時，又作北游期。
萬馬方征虜，單車欲訪誰。
遠身孤劍，共幽抱素琴。
知應渡黃河，夕波濤驚夢思。

歸越東舊引隱留別秦中知己

客亭楊柳葉初殘，歌咽秋空慘別顏。
吟愛好風歸越路，醉衝寒雨出秦關。
烟蘿庭戶重，栖倚漁浦人家，
旧往還。縱使功名無分得，免教心在怨尤間。

贈祝隱者

當年辭聘禁高卧，魯郊西道與常流。
別名將往哲齊，細蟲喧四壁芳艸。
暗前溪，猶有談玄叟時，一杖藜。

贈孫曹二生

西洛繁華外，幽奇二隱同。
喧卑不入耳，賢達許高風。
宮水當門落，僧園舊迳通。
看書悲往事，坐石嘯晴空。
世界搜吟內，山川曠望中。
憂人迥憂已，豈是卧雲翁。

郊居會傳送人

久客倦驚魂，田居乞暫安。
義寧忘力奪，貧要奉親歡。
枕外河聲

老門前野色寬，支流狂繞砌叢菅。品當欄書葉，招鄰彥扶筇。話
肺肝，吟懷難契過。醉語動辛酸，隱几歲時變。凭軒雷雨殘，致君
須有分。會此擲魚竿。

再會傅道人

分到知心死不輕，幾年曾是憶離情。微風吹雨雁初落，葉滿堦
虫正鳴。時靜苦嫌論劍略，簟涼頻喜轉琴聲。從來共約雲泉老
肯向人間占好名。

貽傅道人

少年名節動人群，避俗身居積水濱。為典衣田遠客半來歌
枕看閑雲，門連酒舍青苔滑。路近汀沙白鳥分。誰道無水活黎
庶，數篇新製詠南薰。

辛崖先生文集卷第四

律詩

郊居寄朝中知己

年來流水壞平田、客徑窮愁自可憐、汀葦亂搖寒夜雨、沙鷗閑
弄夕陽天、狂嫌濁酒難成醉、冷笑清詩不直錢、碧落故人知我
否、幾回相憶上漁船、

懷張白逸人

昔年吟社偶通隣、常貴風入格真、名好已期天共歌、性孤翻與

世無親。梁園醉別。花燒眼。楚寺秋歸。鶴伴身。從此幽懷不能說。
五湖烟月二京塵。

訪人不遇

舊徑莓苔合。兒童歎閉門。踏霜歸遠店。涼月照空尊。雁響蕪葭
浦。風驚橘柚村。知音在何處。凝竅欲銷魂。

和人惜春

白日不暫住。催春去。忽賒頻。須傾綠蟻。未忍掃殘花。漸恐凋雙
鬢。堪驚遠別家。歌臺重一望。烟柳數行斜。

酬宗人殺院見示詩集

句好如天設。看來字字精。功夫能到此。心意何知清。已得風雅
正。任從時世輕。何當較才用。期與二南并。

依韻答人九華山圖

每憶眠雲處。當簷列翠屏。有時聊極目。盡日坐忘形。去此心惟
苦。懸圖恨忽醒。數峯秋欲活。屋籟夜重听。地鎮三吳遠。天連萬
古青。幾人曾得道。是州即通靈。松鶴閑窺鼎。龕僧暗誦經。終須
卜長往。迴首謝明庭。

和人登朗州江亭

城上江亭簇暮烟，成根老樹浸江瀾。何人臨靜夜，軟罷獸容寬。
高秋興寬直下路，通諸國遠偏東山。隔半溪寒，漁翁似會清吟
意。笑逐江鷗過淺灘。

答人惠四明山蕉葉扇

團團，休復頌齊紈。蕉葉精新奉世傳，更愛四明未處異，可量三
伏用時便。已無酷暑侵肌骨，肯放青蠅觸几筵。因藉仁風慰熬
廢寧知不及古人賢。

旅懷

移文休誚客衣塵，欲去終慚未了身。一夕亂蛩驚別恨，滿堦
紅葉愴吟神。東周住久知音少，白杜拋來舊業貧。猶喜陶潛遠
籬菊，帶霜開得數枝新。

洛中寓居

風塵籍籍伴窮迷，旋賃高齋洛水西。綠樹不知游子恨，夕陽閒
引杜鵑啼。苔侵舊迳來人絕，花滿南軒翠竹低。自笑詩書今無
味，抱琴階下艸萋萋。

公暇偶作

世情多與道相違，偶忽公閑便息機。貪競已從心下絕，愛憎還覺眼中稀。時文鍊漉教歸正，聖易參研盡入微。本要資身兼報國，安知四十九年非。

舟行感懷

風帆江上往來頻，漁叟應多笑此身。自愧無才酬聖澤，已甘行樂負青春。疲羸未復空忘味，綱緒難條欲問津。更擬傾杯祝天地，世間不用長奸人。

舟次辰陽

昔賢勞苦為憂官，我自無才欲忘餐。鳴棹幾程灘執惡，宿亭一夜兩聲寒。山連古洞蠻烟合，地落秋畬楚俗懽。雖指公餘便東下，好峯猶得捲簾看。

游桃源觀

一從仙去失仙源，對老臺荒又幾番。塵世莫嗟無分到，星壇空自有名存。竹邊風健秋醒眼，花底泉香夜斫寬。多少尋真舊蹟，屢來重與拂苔痕。

舟中晚望桃源山

僊山初指眼初明、倚棹因妨半日程、雲裏未忘尋去路、世間爭
合有浮名、巖空閣老松千尺、天靜時聞鶴一聲、更謝暮霞憐惜
別、滿坡紅影照崢嶸、

幽居

落花時節掩閑初、請絕江城舊酒徒、滿屋烟霞春睡足、一谿風
雨夜燈孤、易中有象閑消息、身外無求免歎吁、多謝巖僧頻見
訪、欲迴流水又踟躕、

旅懷

儒術精窮久、風塵髮欲衰、知音宜易得、搔首歎何為、寓舍思親
處、秋原墜葉時、樂天吟更苦、笑殺五陵兒、

吳宮石

四正題曰醉石晒藥石翫月臺朝天壇

何人移置向何年、牢落空庭見斷頑、竹外松間滋澹竚、土昏苔
染更欄珊、貪憐翫月名偏好、莫問朝天信不還、閑醉閑吟聊自
得、漸無覓夢憶歸山、

旅中感懷

人世貪名豈是閑。幾回思算幾凄然。故鄉路遠不得信。寒月夜
未還。漫圓霜趁悲鴻歸楚澤。風移殘燒下秦川。莫言酒作銷憂
物。更有新詩一兩篇。

退居近墅

選得烟村寄掩扉。拙謀翻似解忘機。名場未入老將至。鄉信不
來春欲歸。牕背晚陰黃鳥語。簾橫山徑落花飛。何由盡會蒼
意時。復携筇上翠微。

歸隱嵩陽

浮世事無限。可須要到頭。壯心為客盡。孤跡卧雲休。匣劍已全
棄。林僧亦少酬。從來愁恨意。乞待外人愁。

本農

奢競若不息。生民只有冤。誰搜元化窟。鑿斷麗華根。使絕侵奪
苦。著為明聖恩。何煩重師古。即此是羲軒。

喜雨

救旱功何遠。淋漓晝復昏。風雷潛助勢。草木豈知恩。積霽消殘
影。枯源漲舊痕。朗吟渾得意。重起凭前軒。

秋霖

觸石便溼濛經旬失遠空
淡疑箭浪兼起蓼花風
淨長苔痕綠
寒催木葉紅
蒼不可問
惆悵漢陵東

庭竹

挺秀誠堪貴
蕭疎在薜庭
小桃遮不得
深雪放教青
影射池光
冷聲敲鶴夢醒
牽吟莫可極
重寫上前屏

朝日蓮

少得方為貴
根莖豈異蓮
高低全賴水
舒卷自知天
已任群芳

妬難妨後笑
偏向明終有待
呈豔不爭先
愛重頻移席
徵求苦
費錢
蘭蓀旣酷裂
桃杏媿奢研
憇花中絕標
名世上傳
須栽
禁池內
用表太平年

弱柳

枝莖何弱種
何緣著架扶持勢
可憐但見低垂常
衛足更無疎
疎欲參天
離情謬指千條線
野興堪驚一點烟
最惜柔謙似君
子
夜涼重起
遠攔邊

曲湖種柳

曲湖連曲接平蕪，前事因循好歎吁。
不見有源堪畝鑿，便來此地費工夫。
蛙能聚響難停息，蓮本含香舊已無。
夾岬近教多種柳，少延春色到城隅。

新移蓼花

蓼叢疎淡老相宜，移傍清流曲岸西。
紅穗已霑巫峽雨，綠痕猶帶錦江泥。
吟狂不覺驚幽鷺，立困翻疑在舊溪。
官滿便應離此去，可量心緒更難齊。

辛崖先生文集卷第四

